

**TEZAUUR LITURGIC**  
**12 IUNIE**

**ACATISTUL**  
**SF. CUVIOS**  
**ONUFRIE**  
**CEL MARE**



**MOSCOVA, 2000**



# Акафист

## святому преподобному

### Онуфрию Великому

---

#### Кондак 1

Избранный и дивный отче Онуфрие, сияющий трисияннаго живота зарею, ты мя, омраченнаго греховными страстьми, просвети, от смертоносныя раны исхити и твоими молитвами от всех бед избави, да зову тебе: Радуйся, отче Онуфрие, пресветлый светильниче всея вселенныя.

#### Икос 1

Ангельстии чини твоим, отче, удивишася подвигом, имиже в пустыни непрестанно упражнялся еси; три бо и шестьдесят лет постился еси, Божественныя же Христовы Тайны от рук ангельских приимати сподобился еси, и ныне убо почитая тя единовсельника и собеседника Ангелов, сицевая вопию тебе, святе Онуфрие:

Радуйся, Ангелов предивное чудо;

ра́дуйся, душетле́нных страсте́й  
разруши́телю.

Ра́дуйся, непроходи́мая пусты́ни  
просвети́телю;

ра́дуйся, воздержáния наказáтелю и учи́телю.

Ра́дуйся, пустынножи́телей удобре́ние;

ра́дуйся, мона́хов богодухнове́нное свети́ло.

Ра́дуйся, уго́днице Христо́в преизя́щный;

ра́дуйся, безмо́лвия рачи́телю тепле́йший.

Ра́дуйся, бесо́вския си́лы кре́пкое попра́ние;

ра́дуйся, спасе́ния и́стинный наста́вниче.

Ра́дуйся, пода́телю ра́дости ве́рным;

ра́дуйся, ско́рый помо́щниче к тебе́  
притека́ющим.

Ра́дуйся, о́тче Ону́фрие, пресве́тлый  
свети́льниче всея́ вселенны́я.

## Конда́к 2

Ви́дяще страна́ный и чу́дный жити́я твоего́  
о́браз преподо́бный Пафну́тий вельми́ удиви́ся;  
те́м же и аз, размышля́я твоя́ па́че ме́ры  
трудолю́бныя пусты́нныя по́двиги, пою́ Бо́гу, на  
сия́ тебе́ укрепив́шему: Аллилу́иа.

## И́кос 2

Ра́зуму да́тися мнѣ боже́ственному, помоли́ся  
преподо́бне Ону́фрие, ты́ бо, боже́ственным  
сия́ючи свѣтом и с А́нгелы водворя́ющися  
посо́бствуеши па́мять твою́ соверша́ющим и  
ра́достно похва́льная тебе́ си́це принося́щим:

Ра́дуйся, стра́нно добродѣ́тельми просия́вый;  
ра́дуйся, со́лнечнаго свѣ́та светле́йший.

Ра́дуйся, А́нгелом в пусты́ню проводи́мый;  
ра́дуйся, го́рлице пустыннолю́бная.

Ра́дуйся, рожо́ багряноцвету́щая;  
ра́дуйся, хра́ме всечестны́й и Бо́гу  
освяще́нный.

Ра́дуйся, Бо́жиих дарова́ний исполне́ние;  
ра́дуйся, пречу́дное в челове́цах удивле́ние.

Ра́дуйся, бесо́в стра́нное и гро́зное  
устраше́ние;

ра́дуйся, предра́гий адама́нте.

Ра́дуйся, Тро́ичнаго свѣ́та зри́телю;

ра́дуйся, те́плый в моли́твах предста́телю.

Ра́дуйся, о́тче Ону́фрие, пресвѣ́тлый  
свети́льниче всея́ вселенны́я.

### Кондак 3

Сила Вышняго от ложесн матерних осени ты, преподобне Онуфрие, и показá ты селение и жилище Святаго Духа, Егоже и аз недостойный усердно прияти желающе, пою песьнь Богу: Аллилуиа.

### Икос 3

Имуще ты велика, отче, заступника и скорого в напастех помощника, различными одержимии напастьми ты на помощь призываем, и весело в твоей светлой памяти торжествующе, сия тебе вопием:

Радуйся, скорый послушателю молящихся тебе с верою;

радуйся, праведнаго Судии известное умоление.

Радуйся, честное Пресвятаго Духа селение;

радуйся, непорочный Пресвятых Троицы служителю.

Радуйся, предрагий Христа Бога бисере;

радуйся, неизреченная великому Пафнутию радости.

Ра́дуйся, то́гожде Пафну́тия наста́вниче и  
учи́телю;

ра́дуйся, скорбя́щих ско́рое утеше́ние.

Ра́дуйся, уныва́ющих всежелáтельный  
посети́телю;

ра́дуйся, слепы́х врачú и хромы́х цели́телю.

Ра́дуйся, боля́щих здравие и недúгующих  
врачевáние;

ра́дуйся, вёрных спасённое прибе́жище.

Ра́дуйся, о́тче Онúфрие, пресвётлый  
свети́льниче всея́ вселённыя.

#### **Конда́к 4**

Бу́рю страсте́й многомяте́жнаго ми́ра  
возненави́девши, о́тче, все́х его́ устрани́лся еси́  
красо́т, всели́вся же в пусты́ню, преподо́бне,  
Крести́телю в жити́и последовал еси́ и проро́ка  
Илию́ подража́л еси́, ны́не же вéчнующую в  
небе́сных двóрех сла́ву получи́вши, с небе́сными  
Бо́гу предсто́йши жители и поёши купно с ними:  
Аллилу́иа.

#### **И́кос 4**

Светоно́сное со́лнце и златозáрное свети́ло  
иму́ще тя вёрнии, свя́те Онúфрие, умильно́ тя

мо́лим, просвети́, вразуми́, научи́ вопи́ти тебе́  
си́це:

Ра́дуйся, пусты́ни свѣтлое озаре́ние;  
ра́дуйся, златоза́рный ми́ра свети́льниче.

Ра́дуйся, Фивеев пречу́дная красото́;  
ра́дуйся, Ливии прекра́сная добро́то.

Ра́дуйся, Египта пресвѣтлое украше́ние;  
ра́дуйся, Месопота́мии превели́кий  
наста́вниче.

Ра́дуйся, Иоа́нна Крестите́ля и́стинный и  
при́сный подража́телю;

ра́дуйся, благово́нный пусты́ни ке́дре.

Ра́дуйся, я́ко равноа́нгельно служи́ши Бо́гу;  
ра́дуйся, я́ко заступа́еши все́х, те́пле ты на  
по́мощь призыва́ющих.

Ра́дуйся, о́тче Ону́фрие, пресвѣтлый  
свети́льниче всея́ вселѣ́нныя.

### **Конда́к 5**

Боготе́чную зарю́ уви́девши ты, о́тче, в  
пусты́ни, вели́кий Пафну́тий тща́тельно  
после́дова тебе́, и я́ко учи́тельна свети́льника  
придержа́ся тебе́, и о пусты́нном любопы́тно

испыта́в жити́й, егѡ́же от тебе́ до́бре навѣ́к,  
уми́льно воспева́я Бо́гу пе́снь: Аллилу́иа.

### И́кос 5

Ви́дя твоѡ́е стра́нное жити́е, Собо́р церко́вный,  
Ону́фрие преподо́бне, с благоговѣ́нием твою́  
блаже́нную па́мьть велѣ́т почита́ти. Сего́ ра́ди и  
а́з, спасѣ́ние хотя́ получи́ти, с весе́лием почита́ю  
и си́це тебе́ вопи́ю:

Ра́дуйся, пресвѣ́тлая красото́ Цѣ́ркве  
Христо́вы;

ра́дуйся, неусы́пный предста́телю и́щущим  
хода́тайства твоегѡ́.

Ра́дуйся, я́ко к Го́споду вы́ну вопи́еши за ны́;  
ра́дуйся, я́ко тобо́ю просвети́шася  
вну́тренняя пусты́ни.

Ра́дуйся, я́ко просия́ша до́брая дела́ твоя́, а́ки  
со́лнце на земли́ и на небеси́;

ра́дуйся, я́ко вперѣ́л еси́ у́м твой к Бо́гу.

Ра́дуйся, я́ко обогати́лся еси́ нището́ю ду́ха;

ра́дуйся, орле́ гнезда́ небѣ́снаго.

Ра́дуйся, прѣ́лести бесѡ́вския, я́ко трѡ́сть,  
попаля́ющий;

ра́дуйся, послу́шателю Ева́нгелия Христо́ва.

Ра́дуйся, мудрова́ние плóти крѣпостию  
Божѣственнаго Духа смири́вый;

ра́дуйся, земный а́нгеле, небѣсный челове́че.

Ра́дуйся, о́тче Ону́фрие, пресвѣтлый  
свети́льниче всея́ вселѣнныя.

### **Конда́к 6**

Про́поведи Ева́нгельския творца́, е́же не  
пещи́ся о ри́зе или́ что́ ясти, и́стинна ты́,  
Ону́фрие, узре́ Влады́ка Господь и а́бие власы́  
бѣлыми, я́ко оде́ждою, оде́я ты́ чу́дно, и сла́вою  
свы́ше обогати́л ты́ е́сть в преста́влении твоѣм;  
ю́же и на́м от Христа́ получи́ти моли́, вопи́ющим  
Ему́: Аллилу́иа.

### **И́кос 6**

Воссия́л еси́ от Египта́, столпо́м  
Божѣственнаго свѣта наста́вляем, преподо́бне  
Ону́фрие, не терпя́ще же ты́ бесо́встии полцы́ в  
пусты́ни, бежа́ша; от ихже наве́тов и на́с изба́ви  
моли́твами твои́ми, вопи́ющих ти́ си́це:

Ра́дуйся, прѣлести бесо́вския потреби́телю;

ра́дуйся, бесо́в стра́шный прогоните́лю.

Ра́дуйся, главу́ змиеву́ уязви́вый моли́твами  
твои́ми;

ра́дуйся, дарова́ний Свята́го Ду́ха преиспо́лненный.

Ра́дуйся, ду́хи лука́вствия смиренному́дрием покоривый;

ра́дуйся, я́ко крест тво́й на ра́ме понёс еси́.

Ра́дуйся, я́ко те́м амали́ка мы́сленнаго си́лу низложи́л еси́;

ра́дуйся, я́ко брэ́мя лёгкое Христо́во восприя́л еси́ на ра́мо.

Ра́дуйся, я́ко от ю́ности возлюбил еси́ и́го Христо́во;

ра́дуйся, я́ко спасён от вра́жиих сетей, благодарственно Бо́гу вопи́еши.

Ра́дуйся, я́ко и ве́рным на враги́ мо́щно пособству́еши;

ра́дуйся, я́ко те́пле к тебе́ притека́ющих трево́лнения страсте́й изменя́еши.

Ра́дуйся, о́тче Ону́фрие, пресве́тлый свети́льниче всея́ вселе́нныя.

### **Конда́к 7**

Изше́дшу Пафну́тию от оби́тели во вну́тренняя пусты́ни, е́же ви́дети Го́сподеви рабо́тающия, Бо́жиим смотре́нием узре́ ты

странным образом и ужасеся; по глаголании же твоём к нему, познав ты быти человека, верне и дивне Богу работающа, возгласи: Аллилуиа.

## Икос 7

Новый воистинну победоносец на плотския страсти явился еси, преподобне, и кто доволен воспети борения твоя? Кто изочтёт труды, болезни и подвиги, в нихже течение постничества совершил еси? К сих же похвалению недовольни суще, любовию паче почитаем ты и верно тебе сицевая вопием:

Радуйся, гладом и жаждою плоть твою удручивый;

радуйся, тьмы предстателя всеконечно победивый.

Радуйся, яко всяко сладострастие всеночными бденими увядил еси;

радуйся, яко законно в молитвах и пощених претерпевая, в безстрастие облекся еси.

Радуйся, предивное воздержания зеркало;

радуйся, преподобных лику великая славо.

Радуйся, яко мразом померзаемей плоти твоей, теплотою любве Христовы согревашся дух твой;

ра́дуйся, я́ко зно́ем опаля́ема тя́ роса́  
Боже́ственныя благода́ти прохладя́ше,  
преподо́бне.

Ра́дуйся, пусты́ни ле́пое украше́ние;  
ра́дуйся, по́двигов и соверше́нства о́бразе.

Ра́дуйся, я́ко вся́ку добродéтель в тебе́  
изобразил еси́;

ра́дуйся, я́ко вселюбимый подвигополо́жнику  
Христу́ уго́дник показáлся еси́.

Ра́дуйся, о́тче Ону́фрие, пресвётлый  
светильниче всея́ вселénныя.

### **Конда́к 8**

Стра́нное твоё жити́е бы́сть, Ону́фрие: взира́я  
бо на возра́стшаго при пеще́ре твоей фи́ника,  
воздержáнием па́че пита́лся еси́. Сего́ ра́ди,  
улучив вы́шнюю трапéзу, поёши Бо́гу: Аллилу́иа.

### **И́кос 8**

Весь бы́л еси́ в вы́шних и горе́ о́ком твоея́  
души́ взира́л еси́ непреста́нно в сём стра́нном  
по́стничестве твоём, ны́не же дерзнове́ние  
стяжа́в к Бо́гу, преподо́бне, заступа́еши все́х, на  
по́мощь тя́ призыва́ющих и вопи́ющих ти́ си́це:

Ра́дуйся, пустынножителю вели́кий;

ра́дуйся, а́ки звезда́, в пусты́нях просия́вый.

Ра́дуйся, подража́вый стопа́м Христо́вым от младе́нства твоего́;

ра́дуйся, а́нгельскаго жити́я ревни́телю.

Ра́дуйся, наве́тов невиди́мых вра́г прогони́телю;

ра́дуйся, воздержáния чу́днаго показáтелю.

Ра́дуйся, соверше́нства преизя́щный учи́телю;

ра́дуйся, страна́ный и дивный к небеси́ пу́ть показáвый.

Ра́дуйся, я́ко равноа́нгельно на земли́ пожи́л еси́;

ра́дуйся, я́ко равноа́нгельную сла́ву и че́сть досто́йно получи́л еси́.

Ра́дуйся, я́ко в небесных двóрех ны́не о все́х мольбы́ Творцу́ прино́сиши;

ра́дуйся, я́ко тебе́ ходáтая стяжа́вшим вели́кия благода́ти Бо́жия испроша́еши.

Ра́дуйся, о́тче Ону́фрие, пресвѣ́тлый свети́льниче всея́ вселѣ́нныя.

## Кондак 9

Всякое естество удиви́ся тебе́, Ону́фрие свя́те: ми́ра бо кра́сная от се́рдца возненави́дев и еди́наго Бо́га от ду́ши возлю́бив, пу́стыню пости́гл еси́. Иде́же в еди́нех то́кмо видéниих упражня́ясь, яви́лся еси́ я́ко А́нгел, с плóтию живы́й, поя́ Бо́гу: Аллилу́иа.

## И́кос 9

Витийсти́и язы́цы восхва́лити тя́ по достоя́нию не мо́гут, о́тче богому́дре Ону́фрие: ты́ бо от утробы́ ма́терни Бо́гу прибли́зив тво́й смы́сл, весе́ма прилежа́л еси́ Царю́ Вседержи́телю, пло́ды досто́йны прино́ся Ему́ от твои́х по́двиг во все́м жити́и, преподо́бне. А́з у́бо от Це́ркве Бо́жия сла́вима тя́ о те́х уве́дев, ве́рно тебе́ сицева́я вопи́ю:

Ра́дуйся, от младе́нства мона́шескому обуче́нию вда́нный;

ра́дуйся, в ю́ности Бо́жиим наста́влением в пу́стынное безхра́мие введе́нный.

Ра́дуйся, я́ко Христо́вым словесе́м послéдуя, ми́ра, оте́чества же и ро́да отрéклся еси́;

ра́дуйся, я́ко крéст тво́й ева́нгельски на ра́ме твоéм понéсл еси́.

Ра́дуйся, небре́гий о ри́зе, да нетле́ния ри́зу себе́ само́му соде́лаеши;

ра́дуйся, се́явый слеза́ми, да с ра́достью рукоя́ти твоя́ по́жнеши.

Ра́дуйся, я́ко неяде́нием, ну́ждною нището́ю и всегда́шним на моли́тве сто́янием пло́ть изнури́л еси́;

ра́дуйся, я́ко пути́ же́стоки за словеса́ усте́н Го́спода твоего́ сохрани́л еси́.

Ра́дуйся, по́двиги тво́ими стра́сти телесны́я до конца́ умертви́вый;

ра́дуйся, равноа́нгельную чистоту́ сохрани́вый.

Ра́дуйся, я́ко многоле́тне а́ки безплóтен пожи́л еси́;

ра́дуйся, я́ко от Венцепода́теля безплóтным ликом ны́не счи́слился еси́.

Ра́дуйся, о́тче Ону́фрие, пресве́тлый свети́льниче всея́ вселенны́я.

### **Конда́к 10**

Спасти́ся хотя́ще ве́рнии от напа́стей различны́х, о́тче, предста́теля тя́ себе́ и побóрника поставля́ют и не лишáются наде́жд

свои́х: ты́ бо моли́твами к Бо́гу твои́ми от бе́д лю́тых и скорбе́й, одержа́щих ны́, и много́различных злы́х изыма́еши, наставля́еши же на спасе́ния стези́ усер́дно к тебе́ притека́ющия и Бо́гу ве́рно вопи́ющия: Аллилу́иа.

### И́кос 10

Стéну тя́, застúпника и моли́твенника те́пла обрёт, преподо́бне, из глубины́ се́рдца, я́ко благоуха́нное кади́ло, с воздыха́нием Бо́гу возсыла́ю хвалу́; тебе́ же, присно́му сýщу моли́твеннику, сицева́я приношу́ пéния:

Ра́дуйся, плодо́в добродéтельных благопроцвётшая ниво́;

ра́дуйся, благоче́стия преизрядное удобре́ние.

Ра́дуйся, земны́м застúпниче кре́пкий;

ра́дуйся, послу́шателю притека́ющим к тебе́ те́плый.

Ра́дуйся, свети́льниче, де́монский мра́к отревая́й;

ра́дуйся, душе́тле́нных неду́гов тьму́ отгоня́й.

Ра́дуйся, я́ко заблужда́ющих преподо́бными нра́вы на пу́ть пра́вый руково́дствуеши;

ра́дуйся, я́ко к исполне́нию Бо́жиих хоте́ний  
управля́еши.

Ра́дуйся, я́ко много́разли́чная благодея́ния  
тобо́ю свы́ше пода́ема быва́ют;

ра́дуйся, я́ко духо́в зло́бных наве́ты от  
призыва́ющих тя бе́гают.

Ра́дуйся, я́ко все́х молéния дерзнове́нно  
Вы́шнему прино́сиши;

ра́дуйся, я́ко все́х в ну́ждах и печа́лах  
защища́еши.

Ра́дуйся, о́тче Ону́фрие, пресвѣтлы́й  
светильни́че всея́ вселенны́я.

### **Конда́к 11**

Пе́ние а́нгельское слы́шашеся в божѣственном  
преставле́нии твоём, о́тче, свята́й бо и  
богоуго́днейшей души́ твое́й, в небе́сная селéния  
пресла́вно восходя́щей, си́лы небе́сныя  
дивля́хуся, пою́ще: Аллилу́иа.

### **И́кос 11**

Свѣтло по преставле́нии лице́ твоё ви́де, о́тче,  
Пафну́тий свята́й удиви́ся. Раздели́в же на двѣ  
ча́сти рясу́ свою́, покры́ мо́щи твоя́ и погребѣ́ ты  
со львы́ че́стно. Сия́ и аз ду́хом благоговѣ́йно  
почита́я, си́це ти́ вопию́:

Ра́дуйся, я́ко всего́ тебе́ Бо́гу освяти́л еси́;  
ра́дуйся, я́ко до́бре Божество́вныя зако́ны  
соблю́л еси́.

Ра́дуйся, изше́ствие твое́ от жити́я  
проро́чески предвѣде́вый;

ра́дуйся, в те́плей к Бо́гу любви́ и  
благоговѣ́нии многотру́дныя твоя́ по́двиги  
окончи́вый.

Ра́дуйся, в преста́влении благоуха́нием  
чу́дным, а́ки райским, почте́нный;

ра́дуйся, мо́лнии тогда́ и блиста́нии дивно́  
просла́вленный.

Ра́дуйся, е́гоже мо́щи а́нгельстии ли́цы с  
пе́нием, кади́лы и свеща́ми окружи́ша;

ра́дуйся, е́му́же го́рняя си́лы врата́ райския  
отверзо́ша.

Ра́дуйся, я́ко в то́мже часе́ сия́ние ве́лие,  
облиста́вшее тя́, зря́шеся;

ра́дуйся, я́ко сла́дкий глас, к восприя́тию  
ве́чных бла́г призыва́ющ тя́, слы́шашеся.

Ра́дуйся, я́ко святу́ю твою́ ду́шу венцеда́вец  
Христо́с сла́вно при́ят в го́рняя селе́ния;

ра́дуйся, я́ко ны́не вѣчнаго изобильно  
наслажда́ешься весе́лия.

Ра́дуйся, о́тче Ону́фрие, пресвѣтлый  
свѣтильниче всея́ вселѣнныя.

### **Конда́к 12**

Благода́ть, да́нную ти́, и по́двиги твоя́  
никто́же от земныхъ изре́щи мо́жет, о́тче  
Ону́фрие: в пусты́ни бо нестяжа́тельно жи́вый,  
пи́щу имѣл еси́ хлѣбъ а́нгельский, от челове́к  
бе́гая, с Бо́гом и А́нгелы бесе́довал еси́. Сего́ ра́ди  
в небѣсныхъ черто́зах ра́дуешься и поѣши пѣснь:  
Аллилу́иа.

### **И́кос 12**

Поѣм до́блественныя по́двиги твоя́, ублажа́ем  
достохва́льную кончи́ну, почита́ем и свяще́нную  
па́мять твою́, преподо́бне, к нейже и я́ко  
еди́ному тебѣ от два́дцати четырёхъ ста́рец,  
окружа́ющих Престо́л Вы́шняго, председа́ющему  
похва́льная си́це вопи́ем:

Ра́дуйся, страна́но на земли́ поживы́й;

ра́дуйся, страна́ную и кончи́ну насле́дивы́й.

Ра́дуйся, я́ко свѣтлыми по́двиги твоими́ к  
свѣту невече́рнему вше́л еси́;

ра́дуйся, я́ко преми́рное насле́дие бога́тно  
стяжа́л еси́.

Ра́дуйся, я́ко с безплóтными Трисвяту́ю пе́снь  
Бо́гу немóлно вопи́еши;

ра́дуйся, неизрече́нных бла́г насле́днице.

Ра́дуйся, преподо́бных и пра́ведных  
собесе́днице;

ра́дуйся, я́ко ны́не разреше́шимся зерца́лом  
Тро́ицу Святу́ю зри́ши непосре́дственно.

Ра́дуйся, я́ко в па́мяти тво́ей Це́рковь  
Христо́ву весели́ши неизрече́нно;

ра́дуйся, я́ко тобо́ю по́стницы и  
пустынножи́тели в по́двиг укрепля́ются.

Ра́дуйся, я́ко ве́рнии хода́тайством тво́им  
все́х бла́г свы́ше сподобля́ются.

Ра́дуйся, о́тче Ону́фрие, пресве́тлый  
свети́льниче всея́ вселе́нныя.

### **Конда́к 13**

О всехва́льный и предивный уго́днице  
Христо́в о́тче Ону́фрие, молю́ ти ся и вопию́  
всеусе́рдно: приими́ си́е ма́лое, от мене́  
приноси́мое моле́ние и потщи́ся ско́ро умоли́ти  
ми́лостиваго Бо́га и Влады́ку, да изба́вит мя́ от

всяких бѣд и будущія измет мѹки, вопиющаго: Аллилуиа.

*Этот кондак читается трижды, затем икос 1-й и кондак 1-й.*

### **Моли́тва пе́рвая**

О преизящный и превеликий пустынножителю, преподобне отче Ону́фрие! Похваляю твоя неизреченная чудотворения и житие пресветло, еже еси препроводил от юности твоея, даже и до старости: никтоже бо исчести возможно терпения и подвигов твоих, пречестне. Удивися преподобный Пафну́тий твоему жестокому еже в пустыни житию, вкупе же и zelo возрадовася, обрет тя единого толиких подвигов и совершенства суща образ. Сего ради и подлинно испыта о трудах твоих святых и о еже колико имел еси временнаго жития. Темже и написа, яко шестьдесят лет и три в трудолюбии пребывая, в наготѣ претерпевая мраз и зной, в глубочей пустыне со зверьми и птицы обитая, молитвы непрестанно творя, пожил еси. Сего ради ныне радость тебе приношу от недостойных устен моих, преподобне отче, преподобному Пафну́тию радости великая (сподобися бо при кончине с

львы́ послужи́ти тебе́, погребсти́ тѣло твоѣ и с тобо́ю на небеси́ жити), Или́и Фесвѣтянину ревни́телю, Ио́анну Крестителю наслѣдниче, дру́же Христовъ и снаслѣдниче и́стинный, Египту́ умная красото́, Фиве́ом вели́кое свети́ло, Ливии́ красная добро́то, фи́никс краснопроцвѣта́ющий, орле́ высокопа́рный, лета́ющий в поднебѣсная, на небесе́х гражда́нство обретьи́, иде́же и водвори́ся у Престо́ла Влады́ки Сла́вы, с два́дцать четы́рми ста́рцы жили́ще обретьи́, с ними́ же и пребыва́еши. И ны́не молю́ тя, пречу́дный гражда́нине небѣсный, святи́х лико́в А́нгельских совсе́льниче, услы́ши мя́, грѣшнаго и недостойнаго раба́ твоего́, в часъ се́й и приими́ сие́ ма́лое моле́ние мое́ Ака́фисто́во, вели́кий заступни́че, ско́рый помо́щниче притека́ющим к тебе́ усер́дно. Загла́ди рукописа́ние де́л моихъ сквер́ных и нечи́стых, я́же держа́т де́монския полки́. Покры́й мя́ твои́м заступле́нием, причти́ мя́ ко угото́ванному пресвѣ́тлому мѣсту моли́твами твои́ми и сподо́би мя́ вы́шняго Иеру́сали́ма, и́бо по Преблагослове́нней Влады́чице на́шей Богоро́дице и Присноде́ве Мари́и, тебе́ между́ тепле́йшими помо́щницы, моле́бницы и заступни́цы мои́ми почита́ю. Присе́щаеши бо́ и да́еши ру́ку по́мощи

припадающим к тебе в храме твоём и повсюду. Тем же и аз недостойный ныне тебе молюся и призываю: умоли милостиваго Бога, да отпустит ми вся прегрешения моя, вольная и невольная, сотворенная вся злая дела моя, и да избавит мя твоим предстательством от вечных мук, научит мя творити добрая дела, наставит мя на путь к спасению истинному и сподобит мя купно радости вечныя насладитися со всеми святыми, ныне и присно, и во веки веков, аминь.

### **Молитва вторая**

О пречудне и преблаженне угодниче Христов и авво наш, Онуфрие Великий! Ты дивную любовь ко Господу твоему показал еси, и на дивныя подвиги благодатию Его укрепился еси, и сего ради велия дерзновения к Нему сподобился еси: многа бо чудеса и знамения силы Божия людем о тебе явишася. Возри убо и ныне, отче предивный, благосердым оком любве твоея на ны недостойныя рабы, и даруй всем по коегождо потребе, по вере же и упованию: скорбящия обрадуй, плачущия утеши, недугующия исцели, труждающимся помози, борющимся со страстьми и прилоги вражиими укрепи и благослови, изнемогающия поддержи, обитель твою и всех нас от враг видимых и от

всякаго злѧ сохрани. Возвеличи веру святую православную во отечествии нашем, обрати заблудшыя, вразуми отпадшыя, утверди колеблющыяся, умягчи упорствующыя, просвети неверныя, и вся приведи в тихое пристанище Отечества Небеснаго. О предивное слово монашествующих и всех верных утешение! славными подвиги твоими и сладким лицезрением чудотворнаго образа твоего и нас озари и на всяк подвиг, труд и терпение укрепи во славу Имени Божия, да спасеннии сподобимся с тобою и всеми святыми Вечнаго и Преблагословеннаго Царствия славы Отца, и Сына, и Святаго Духа во веки веков. Аминь.

### **Молитва третья**

О преподобне отче Онуфрие! Молим тя: услыши нас, грешных и недостойных раб Божиих (имена), в час сей. И прими сие малое моление наше: рукописание дел наших скверных и нечистых молитвою твоею изгладь, твоим заступлением присно нас покрывай и ко уготованному верным пресветлому чертогу молитвами твоими приведи; умоли убо Милостиваго Бога, да отпустит нам вся прегрешения наша вольная и невольная и вся злая дела, нами сотворенныя, и да избавит нас

твоимъ предстательствомъ отъ вѣчныхъ мукъ и  
сподобитъ насъ радости вѣчныя насладитися,  
кѹпно со всѣми святыми, во вѣки вековъ. Аминь.

